



ՀԱՂՈՐԴԱԳՐՈՒԹՅՈՒՆ

Ամենայն Հայոց Հայրապետ Նորին Սրբություն Տ. Տ. Վազգեն Առաջինի եղբայրական հրավերով Ալեքսանդրիայի և համայն Աֆրիկայի հունաց Պապ և Պատրիարք Նորին Ամենապատվություն Նիկոլաոս Զ-ը 1974 թվականի նոյեմբերի 19—26-ը պաշտոնական այցելություն տվեց Մայր Աթոռ սուրբ Էջմիածին:

Սրբազան Պատրիարքին ողնեցում էին գերազնորն տ. Մեթոդիոս Աբ-սիումի միտրոպոլիտը և գերազնորն տ. Իրինեոս Նիկոպոլսի եպիսկոպոսը:

Այս առթիվ մասնավոր հրավերով Մայր Աթոռ էր ժամանել նաև ռուս պրավոսլավ եկեղեցու Կիևի Էկզարխ գերազնորն Ֆիլարետ միտրոպոլիտը՝ իբրև Անդակաջուցիչ Նորին Սրբություն Տ. Պիմեն ռուսաց Պատրիարքի:

Վեհափառ Հայրապետի հրավերով Մայր Աթոռ էին ժամանել Ռումի-նիայի և Բուլղարիայի թեմերի առաջնորդ տ. Տիրալ եպիսկոպոս Մարտիկ-յանը և Արևմտյան Եվրոպայի հայրապետական պատվիրակի Փարիզի փո-խանորդ տ. Գյուտ եպիսկոպոս Նազաշյանը:

Բարձրաստիճան հյուրերի այցելության առիթով Մայր Աթոռում էին գտնվում Արարատյան թեմի առաջնորդական փոխանորդ տ. Կոմիտաս ար-քեպիսկոպոս Տեր-Ստեփանյանը, Նոր Նախիջևանի և Ռուսաստանի թեմի առաջնորդ տ. Պարգե եպիսկոպոս Գևորգյանը, Ադրբեջանի թեմի առաջնորդ տ. Վահան եպիսկոպոս Տերյանը, Ծիրակի թեմի առաջնորդ տ. Նարեկ եպի-սկոպոս Ծաքարյանը և վրահայոց թեմի առաջնորդ տ. Գևորգ եպիսկոպոս Աե-րայրարյանը:

Նոյեմբերի 19-ին Երևանի օդանավակայանում հարգարժան հյուրերին դիմավորեց և բարի գալուստ մաղթեց Վազգեն Ա Ամենայն Հայոց Հայրապետը՝ շրջապատված բարձրաստիճան հոգևորականներով:

Ալեքսանդրիայի եկեղեցու Սրբազան Պատրիարքին օդանավակայանում դիմավորեց նաև Հայկական ՍՍՀ Մինիստրների սովետին առընթեր հայ եկեղեցու գործերի խորհրդի նախագահի տեղակալ տիար Սուրեն Հովհաննիսյանը:

Երկու Հայրապետները, շրջապատված իրենց հետևորդներով, հանդիսավոր շքերթով մուտք գործեցին Մայր տաճար և ողջագուրվեցին Փրկչի Իջման սուրբ սեղանի առաջ:

Նոյեմբերի 23-ին երկու Հովվապետները Մայր տաճարում ներկա եղան կիրականտի երեկոյան ժամերգությանը, որից հետո տեղի ունեցավ համատեղ էկումենիկ աղոթք:

Նոյեմբերի 24-ին, կիրակի օրը, Հայոց Հայրապետը մատուցեց ս. պատարագ, որի ընթացքում փոխանակվեցին ողջույնի խոսքեր երկու Հայրապետների միջև Մայր տաճարում և ապա Վեհարանի գահասրահում:

Ժամը 15-ին Վեհարանի սեղանատանը Հայոց Հայրապետի կողմից տրվեց պաշտոնական ճաշկերույթ՝ ի պատիվ Մայր Աթոռի բարձրաստիճան հյուրերի:

Նոյեմբերի 22-ին Հայկական ՍՍՀ Մինիստրների սովետին առընթեր հայ եկեղեցու գործերի խորհրդի նախագահ տիար Սարգիս Գասպարյանը «Արմենիա» հյուրանոցում Նիկոլաոս Զ Սրբազան Պատրիարքի և նրա շքախմբի անդամների պատվին տվեց պաշտոնական ճաշկերույթ:

Նույն օրը, երեկոյան, երկու Հայրապետները ներկա եղան հոգևոր ճեմարանում ի պատիվ հյուրերի կազմակերպված ուսանողական հանդեսին, որի ընթացքում ճեմարանի ուսանողությանն ուղղված ջերմ ուղերձով հանդես եկավ տ. Նիկոլաոս Զ Պատրիարքը:

Մայր Աթոռում գտնվելու օրերին մեծարգո հյուրերը այցելեցին Մայր տաճարի և Հին Վեհարանի թանգարանները, Վաղարշապատի պատմական վանքերը՝ ս. Հովհաննիս և ս. Գայանե, ս. Մեսրոպ Մաշտոցի անվան Մատենադարան, սուրբ Գեղարդի վանք, Զվարթնոցի ավերակներ, Գառնիի հեթանոսական տաճար, ս. Մեսրոպի շիրիմ Օշականում, Խորվիրապի վանք և Եղեռնի հուշարձան, ուր բարձրաստիճան հյուրերը ծաղկեպսակ դրեցին և աղոթեցին հայ նահատակաց հոգիների համար:

Նոյեմբերի 25-ին, առավոտյան, Վեհարանում տեղի ունեցավ մասնավոր տեսակցություն Վազգեն Ա Հայրապետի և Ալեքսանդրիայի Նիկոլաոս Զ Պատրիարքի միջև:

Այս առթիվ երկու եկեղեցիների ներկայացուցիչների միջև տեղի ունեցած մտքերի փոխանակման ընթացքում հաստատվեց, որ երկու եկեղեցիները գիտակցում են, թե սկզբից ևեթ հույն օրթոդոքս եկեղեցին և Հայաստանյայց առաքելական եկեղեցին պահել են և մինչև օրս էլ շարունակում են պահել եղբայրական փոխադարձ հարգանք միմյանց նկատմամբ, որ նրանք հավատարիմ են մնացել նույն հավատքի խոստովանությանը, պահպանել են նույն խորհուրդներն ու առաքելական հաջորդականությունը, զարգացրել են իրենց աստվածաբանական մտածողությունը, իրենց ուրույն լեզուներով ու մշակույթով՝ յուրաքանչյուրը պահելով իր ինքնավար և ինքնագլուխ եկեղեցական կառույցը:

Երկու Հայրապետները քաջալերում են հետզհետե առավել մերձեցումը և աստվածաբանական դիալոգը օրթոդոքս եկեղեցիների և արևելյան հին եկեղեցիների միջև՝ առավել ամրապնդելու համար երկու եկեղեցիների միջև քրիստոնեական եղբայրության և միության ոգին:

Սույն տեսակցության ընթացքում երկու Հայրապետները հաստատեցին նաև, որ խոտվահույզ արդի աշխարհում բոլոր քրիստոնյա եկեղեցիների սեպուն պարտքն է՝ գոհացում տալ մեր ժամանակների այժմեական հարցերին, այն է՝ հանգցնել պատերազմի օջախները, պահպանել և ամրապնդել աշխարհի խաղաղությունը և կենսագործել եղբայրությունը, բարեկամությունը և սոցիալական արդարությունը ժողովուրդների միջև:

Նրանք անհրաժեշտ գտան, որ եկեղեցիները պետք է շարունակեն որոնել այն ուղիները, որոնք ամրապնդում են ազգությունների և պետությունների միջև խաղաղ գոյակցությունը և համերաշխ գործակցությունը՝ այսպիսով աշխարհի առաջ վկայելով իրենց սերը և հավատարմությունը Քրիստոսի Ավետարանի հանդեպ:

Սուրբ Էջմիածնում, սույն պատմական հանդիպման առթիվ, երկու Հովվապետները հղում են իրենց եղբայրական սիրո ողջույնները օրթոդոքս և արևելյան հին եկեղեցիներին, ինչպես նաև բոլոր քրիստոնեական եկեղեցիների պետերին և հույս հայտնում տեսնելու վերահաստատումը եկեղեցիների միության Քրիստոսի սիրո մեջ:

Սույն հաղորդագրությունը խմբագրվեց և ստորագրվեց սուրբ Էջմիածնում 1974 թվականի նոյեմբերի 25-ին:

ՆԻԿՈՒԱՆՍ Զ

ՊԱՊ ԵՎ ՊԱՏՐԻԱՐԻ ԱԼԵՔՍԱՆԴՐԻԱՅԻ
ԵՎ ՀԱՄԱՅՆ ԱՖՐԻԿԱՅԻ

ՎԱԶԳԵՆ Ա

ԾԱՅՐԱԳՈՒՅՆ ՊԱՏՐԻԱՐԻ ԵՎ
ԿԱԹՈՂԻԿՈՍ ԱՄԵՆԱՅՆ ՀԱՅՈՑ

